

河陰金石考

河陰文徵

河陰金石考

胡荃 編纂
陳利民 校點

河陰金石考序

金石考訂之學，歐、趙而後，其流漸廣。迨於近世，好古之士往往鑿險緹幽以肆探討。而深巖絕壑、荒邨古剝中亦時出其秘，以相餉遺。搜殊拾墜，此乃得據以爲訂證之資。況於志乘義取徵實，而金石所載地理之名稱，山川之支派，城郭、祠墓、人文、物產之洪纖，莫不與經史相表裡。顧亭林所謂闡幽表微，補闕正誤，非虛語也。昔馮魚山志孟縣，先致力於金石者兩年餘，而後從事纂述。誠以邑乘以地理爲經，而政教、風俗緯之。得金石以爲原本，則若綱在，綱有條而不紊矣。河陰貞石除歐、趙所錄外，見於《水經注》、《困學紀聞》、韓、白各集及《中州金石考》等書者尚有數種。然皆更歷歲月，久歸散佚。元、明而後，山北半圯於河，山南復遭兵燹，其亡失者又不知凡幾。今惟隋、唐以下數十事存耳。又都剝缺剝落，蕕藏棄置，所謂存什一於千百者非歟。茲以修志之故，旁搜博採，悉以著錄，並要爲位置，庶幾鬼神呵護，永永保存。已惟吉金之屬流傳甚罕，以金山寺一鐘附之，亦寧闕無濫之意也。

中華民國六年十二月，前河陰縣知事鎮海胡荃序。

河陰金石考目錄

卷之一

.....

〔一〕

隋

滎陽鄭君墓銘殘石開皇十一年閏十二月

唐上

司馬倫墓誌銘長安二年正月

孟頭墓誌銘開元十八年十月

史承珍建陀羅尼經幢開元二十二年四月

鄭曾碑開元二十四年五月

鄭進思墓誌開元□□年

老君造像記開元□□□年五月

赫連崇通墓磚天寶二載十二月

鄭夫人墓誌銘大曆十□年

吒府君墓誌貞元十九年

昭成寺地畝幢貞元二十八年六月

崔澹墓誌元和四年正月

鄭造妻墓誌銘元和十四年五月

卷之二

唐下

盧倜墓誌元和十五年九月

隴西李夫人爲亡鄭女盧十六娘造經幢長慶元年二月

史從慶墓誌銘大中四年十一月

耿元晟墓誌銘大中七年四月

墓誌殘石大中七年

隴西李公墓銘蓋大中八年

滎陽鄭氏女墓誌銘大中十年四月

高文郅建佛頂尊勝陀羅尼石幢咸通六年二月

尚書左僕射楊於陵殘碑

尊勝陀羅尼經幢序

佛頂尊勝陀羅尼、大悲心陀羅尼二咒同幢殘石
經幢殘石

佛頂尊勝陀羅尼經幢殘石
墓誌殘石

李漪妻范陽盧氏墓誌銘蓋

盧府君墓誌蓋

賈公墓誌銘蓋

陸府君墓誌銘蓋

解府君墓誌銘蓋

王府君墓誌銘蓋

鄭府君墓誌銘蓋附唐故殘石

鄭公亡妻崔夫人墓誌銘蓋

丘府君墓誌銘蓋

隴西李公墓誌銘蓋

王府君墓誌銘蓋

龐君墓誌蓋

盧夫人墓誌銘蓋

張夫人墓誌銘蓋

殘石題名一

殘石題名二

後晉

王化文墓誌銘天福四年十月

宋

楊海造像欸識康定二年

陀羅尼咒殘石慶曆□年

陀羅尼咒殘石元豐元年

太尉墓石重和元年五月

陳卞造像宣和六年八月

陀羅尼咒殘石

楊海閏造像欸識附楊氏造像

加句靈驗佛頂尊勝陀羅尼幢殘石

佛頂尊勝陀羅尼石幢

張府君墓誌銘蓋

金

進義校尉墓誌泰和四年

陀羅尼咒殘石

元

廣孝寺王祥畫像題字

明

金山寺鐘款識景泰六年十月

無題識造像

陳垌造像

樊河造像附興國寺、金山寺、文殊寺各像

佚石

漢

石門石銘建寧四年

石門碑陽嘉三年

魏

魏中郎將謝府君神道

隋

梁公堰碑開皇七年

唐

梁公堰碑開元二年

梁公堰碑開元十五年

梁公堰頌上下

梁公堰碑陰記

爨府君墓誌元和二年

孔戡墓誌元和五年

孔戣墓誌長慶四年

皇甫鏞墓誌開成元年

蓋紹墓誌大中十三年

孔岑父碑咸通二年

附河陰知事胡荃存石記

河陰金石考卷一

隋

滎陽鄭君墓銘殘石

開皇十一年閏十二月

石高一尺七寸五分，廣一尺七寸。二十一行，行二十四字。正書。

儀同大將軍臨、渠二州刺史鄭君之神銘

蓋在銘背，篆書雙鉤。

大夫進爵開國伯，又除郢州遂安郡太守。虎非鳬鴈，遂解浮江；珠無姓靈，便知出浦。遷使持節臨州諸軍事臨州刺史，轉渠州諸軍事渠州刺史。百性感化，起慈父之謠；兩縣迴車，蒙零雨之降。豈直王宏之人冀部，不發私書；巴桓之在楊州，罷燃官燭。香名美譽，異世同規；素業清塵，殊年方駕。豈徒丹桂，奄落秋風。公春秋六十有二，以開皇十一年閏十二月九日，薨於私第。歲次玄枵，月惟大呂，廿六日丁酉，與夫人劉氏合葬於滎陽之山禮也。惟公衿神挺邁，風鑒弘通。事君則黃金慎知，養親則明珠報德。寧獨蘭相如之埋魂千祀，猶餘生氣；藏文仲之殞命九

泉，仍爲不朽。墓門雲間，宿草方深。萬古松枝，空鳴仙鶴；千年華表，徒照文狸。不誦貞節之音，誰辯賢明之盛。世子德政、次子德脊等仰北辰而永思，望陟阼而長嘯。慟感姻親，酸落衢路。一冬一夏，終無懷橘之期；或風或雨，空有聞雷之痛。恐山川之不定，懼蘭桂之無芳。敬勒翠石，旌此玄堂。銘曰：

雀棲昌戶，魚入王舟。峻天等極，帶地齊流。世傳農職，家累公侯。夕惕若厲，明謙自修。其一猗歟才子，隋珠楚璧。當涂典午，簪裾赫弈。四民領袖，百官衡石。書勛鍾鼎，騰芳史籍。其二公門卿族，世誕英秀。學禮聞詩，日新月就。琬琰爲懷，仁義作富。孝睦閨庭，諾存交舊。其三東奔逝水，西沉落照。斑固述哀，彌衡作吊。輕車騎士，九疏五校。羊祜樹碑，賈逵有廟。其四岑隴南郡，庾墓新亭。鐫石藻著，銘字金生。松風夕響，桂月晨明。刊茲盛德，置此佳城。

此與司馬倫、耿元晟、鄭氏女各墓誌，及隴西李公、陸府君、清河張夫人各誌蓋，並太尉墓石，皆自茹固廟柱下取出。石側有折釘痕，四相距各數寸許。意全石爲兩方，合而錮之以鐵。今亡其一，故其跡猶存耳。文闕前半，無姓字。幸背有篆蓋，得知其爲鄭氏，而名仍不顯。案《新唐書·宰相世系表》七房鄭氏，一世胤伯，後魏鴻臚少卿。二世希雋，州主簿。三世道育。四世德政，子質、德脊。誌云世子德政、次子德脊等，不及子質。應是子質前卒，而又無後也。以此逆推，其爲道育無疑。惟德脊列子質之後，則表微舛耳。又案《魏書·鄭義傳》

道育，希僂子。武定中，開封太守。《北史·鄭義傳》同。《隋書》無傳，世系表無官。所謂儀同大將軍開國伯臨、渠二州刺史者，均入隋後爵秩。且原石上方，其背亦必有署蓋十六字，如隋故某官云云，惜無可考矣。《隋書·百官志》：儀同大將軍，秩萬石。又，大將軍開國伯爲正三品。《地理志》：開皇三年，廢諸郡，析置州縣。煬帝嗣位，尋改州爲郡。臨州即巴東郡，臨江。渠州即宕渠，統六縣爲中。刺史從三品，此其官已顯矣，得此可補史傳之闕。誌又云：公卒於開皇十一年，春秋六十有二。其生之歲在魏東海王建明元年庚戌，當武定中爲太守，時年不逾弱冠，豈以門廕得官故早仕歟？他如「性」作「姓」，「圖」作「徒」，「榮」作「熒」，「威」作「葳」，「照」作「昭」，「號」作「號」，「班」作「斑」，假借別體，乃北朝誌銘之常。然字跡完好，未經剝泐。雖非完璧，亦殘石之可寶者矣。

唐上

司馬倫墓誌銘

長安二年正月

石高一尺六寸二分，廣一尺六寸一分。二十四行，行二十四字。正書。有碁格。

大周長安二垂歲次壬寅，壬辰乙巳朔廿八日景申，故司馬君墓誌。

君諱倫，字伏願，河內生也。系帝嚳之裔，嗣契之胤也。契光□□舜舉爲司徒比

親伯姓五常克叙子孫宜歷玉食金門以伯□□□□□司馬公因官賜族，遂錫司馬氏。菜塋河內，其望存焉。祖□□□楊州□曹，高蹈意跡，下肅清風，化無刑而息奸□不□□□□。父幹唐任汝州司馬，毗六條扇仁風於□里，□五聽靜廬□於伯城。君願觀光利用，射策甲科，詞傾郭家之河，□□楚生之水。遂擢爲□□郎□□承資堂穉弓冶由存。及□韶年，從於羈貫。麟經十篇，以爲鐘鼓之娛；諸子伯家，賞以笙簧之樂。一徵鶴板之命，便佐翔鸞之君。隨牒青州，當官□海□乃聰俊其器□飛鸚鵡之文□對詞博辨秀家禽之辨覽損□職非豐黜□□□榆以自怡賁丘園而賞□。於軋封元率五月□兩楹感夢□豎嬰凶桀井各徵刈蘭鍾禍。春秋廿有九，權殯於村西一里禮也。夫人郭氏，太原生也。遠承右稷之胤，近系太王之□。肅穆風規，貞苻割耳。霜居守志，誓不移而。以長安□□壬戌十一月，瓊環泣夢，奄喪母儀，卒於私寢，春秋六十有□。厥□承果戮莪切志荼苦割心，發彼故靈，遷諸新柩，即以其匪廿□□，合葬於廣武澶泉之陽禮□。長子□慶，早逝，□婚南陽趙氏亡女。雖生非儀鳳，而□洽乘龍。既因□北之□□□□□□□然恐一生猿化螢飛拱丘，千歲鶴來牛齒失識。鳴□□哉！乃爲銘曰：

系宗帝嚳，德門承祉。世稱□□，□□□□。□□乃父，□武君子。或贊一同，或毗千里。博聞□英，風□□□。□□佳氣，汪汪丞公。令問斯在，厥身奄終。勒茲銘誌，式記□宗。有遷逢渚，無迷劍松。